



**A**Mlethus filius fuit Horuendilli & Geruthæ filiaë Rorici regis Daniæ. Hic cum Fengonis patruï sui infidias metueret, stoliditatis simulationem amplexus extremum mentis uitiũ finxit, eoq; calliditatis genere non solũ ingeniũ texit, uerũ etiam salutem suam defendit. Equũ etiam conscendere iussus, ita se de industria collocauit, ut suum equi ceruici dorsum obuertens, aduersa caudam frõte spectaret, perinde atq; ea parte ruentis equi impetum moderaturus esset. Cum itaq; Fẽgo nullum prudentiæ indicium in eo animaduerneret, atq; nihilominus ob eius interfectum patrem sibi metueret, nec tamen, ob Rorici aui & coniugis offensam,

eum è medio tollere auderet, ipsum in Britanniam cum alijs sub specie legationis misit, atq; literis pro eius seculi more lignis insculptis, regi commendaui, ut Amlethum interficeret. Verũ Amlethus in itinere socijs ebrijs literas mutauit, atque commendatitias substituit. Itaque cum in Britanniam uenissent, rex insigni prudentia Amlethi motus, ei filiam suam uxorem dedit, atque multis muneribus ornatum in patriam remisit. Amlethus in patriam reuersus, Fengonem cum omnibus socijs è medio sustulit, atq; ob præclarã indolem apud omnes in magna admiratione fuit, anno mundi termillesimo trecentesimo sexagesimo quinto.